



## **KENYATAAN AKHBAR**

### **5 TUTUP DAN 47 KOMPAUN DIKELUARKAN DALAM OPERASI BERSEPADU PREMIS BERSIH DI DAERAH TANAH MERAH**

1. Jabatan Kesihatan Negeri Kelantan (JKNK) sentiasa peka dan mengambil berat isu berkaitan keselamatan dan kualiti makanan di negeri ini. Jabatan ini sentiasa komited dalam memastikan tahap kebersihan premis makanan sentiasa berada dalam tahap yang memuaskan bagi memastikan makanan yang disediakan di premis makanan adalah selamat untuk dimakan oleh pengguna. Pelbagai aktiviti telah dijalankan bagi memastikan tahap kebersihan dan keselamatan makanan sentiasa dipertingkatkan dari masa ke semasa.
2. Pada 13hb Feb 2019, Jabatan Kesihatan Negeri Kelantan melalui Bahagian Keselamatan Dan Kualiti Makanan telah menjalankan Operasi Bersepadu Premis Bersih Siri 03/2019 di daerah Tanah Merah bagi memastikan premis makanan yang beroperasi mematuhi peraturan yang ditetapkan. Pemeriksaan pada kali ini memberi keutamaan kepada premis-premis makanan yang terletak di sekitar Bandar Tanah Merah, Jalan Tanah Merah-Pasir Mas, Bandar Baru Kota Harmoni dan Jalan Ismail Petra memandangkan ianya menjadi tempat tumpuan orang ramai.
3. Operasi kali ini melibatkan pemeriksaan kedai makan dan restoran. Sebanyak 35 buah premis makanan telah diperiksa di mana seramai 73 orang kakitangan Jabatan Kesihatan Negeri Kelantan telah terlibat di dalam operasi tersebut. Operasi pada kali



CERTIFIED TO ISO 9001:2008  
CERT NO.: AR 3360  
12 SEPTEMBER 2014 - 02 SEPTEMBER 2016

*(Sila catatkan rujukan ini apabila berhubung)*

ini turut disertai anggota dari KPDKKK dan penguat kuasa Majlis Daerah Tanah Merah (MDTM).

4. Sebanyak 5 premis diarahkan tutup selama empat belas (14) hari di bawah seksyen 11 Akta Makanan 1983 kerana tidak mencapai standard kebersihan yang ditetapkan. Selain itu, sebanyak 47 Notis kompaun telah dikeluarkan oleh Jabatan Kesihatan Negeri kepada pemilik premis dan pengendali makanan di atas pelbagai kesalahan yang melanggar Peraturan- Peraturan Kebersihan Makanan 2009. Sebanyak 3 notis kompaun dikeluarkan bagi kesalahan di bawah Peraturan 11, iaitu tidak mematuhi kehendak yang berhubungan dengan tugas am tuan punya, pemunya atau penghuni premis makanan. 6 Notis dikeluarkan di bawah Peraturan 31, iaitu berhubung dengan pemeriksaan perubatan dan keadaan kesihatan pengendali makanan. 30 kompaun dikeluarkan bagi kesalahan di bawah Peraturan 32 iaitu berkaitan dengan pakaian pengendali makanan. Sebanyak 7 kompaun dikeluarkan bagi kesalahan di bawah peraturan 33 iaitu berhubungan dengan kebersihan pengendali makanan dan 1 kompaun dikeluarkan ibawah Peraturan 38 iaitu berkaitan penyimpanan makanan.
5. Jabatan ini ingin menegaskan bahawa adalah menjadi tanggungjawab pemunya premis makanan dan pengendali premis makanan untuk memastikan premis mereka bersih pada setiap masa.
6. Pemilik makanan yang didapati tidak mematuhi elemen-elemen penting kebersihan akan diberi bimbingan untuk mengambil tindakan pembetulan bagi meningkatkan tahap kebersihan premis mereka. Para pengusaha dinasihatkan agar mematuhi segala aspek berkaitan kebersihan agar dapat menjamin keselamatan makanan.
7. Jabatan ini juga ingin menasihatkan orang-ramai khususnya yang mengunjungi premis makanan di daerah Tanah Merah dan juga di seluruh Negeri Kelantan supaya memilih premis makanan yang bersih. Jabatan ini juga sentiasa peka dan prihatin terhadap perkara-perkara yang boleh mengancam kesihatan pengguna. Sekiranya



CERTIFIED TO ISO 9001:2008

CERT NO.: AR 3360

12 SEPTEMBER 2014 - 02 SEPTEMBER 2016

pengguna mempunyai sebarang kemusykilan berhubung sebarang isu keselamatan makanan, pengguna boleh menghubungi Pejabat Kesihatan Daerah atau Jabatan Kesihatan Negeri terdekat atau melalui laman sesawang <http://jknkelantan.moh.gov.my/v3/> atau facebook Jabatan Kesihatan Negeri Kelantan [https://www.facebook.com/HealthofKelantan.](https://www.facebook.com/HealthofKelantan)

**DR ZAINI BIN HUSSIN**  
**PENGARAH KESIHATAN NEGERI KELANTAN**

14 Feb 2019



CERTIFIED TO ISO 9001:2008

CERT NO.: AR 3360

12 SEPTEMBER 2014 – 02 SEPTEMBER 2016

(Sila catatkan rujukan ini apabila berhubung)

## Gambar-gambar pemeriksaan premis :



Antara anggota-anggota yang terlibat dalam operasi bersepadu premis bersih di daerah Tanah Merah



Penutupan premis makanan yang tidak mencapai standard yang ditetapkan



CERTIFIED TO ISO 9001:2008  
CERT NO.: AR 3360  
12 SEPTEMBER 2014 – 02 SEPTEMBER 2016

(Sila catatkan rujukan ini apabila berhubung)



Pemeriksaan Premis Makanan sedang dijalankan oleh Kakitangan Jabatan Kesihatan Negeri Kelantan



Pemeriksaan Premis Makanan sedang dijalankan oleh anggota KPDKKK



CERTIFIED TO ISO 9001:2008  
CERT NO.: AR 3360  
12 SEPTEMBER 2014 – 02 SEPTEMBER 2016

(Sila catatkan rujukan ini apabila berhubung)



CERTIFIED TO ISO 9001:2008

CERT NO.: AR 3360

12 SEPTEMBER 2014 - 02 SEPTEMBER 2016

(Sila catatkan rujukan ini apabila berhubung)

Antara kesalahan yang telah dilakukan dan telah dikeluarkan kompaun



Terdapat kehadiran tahi tikus di dalam premis makanan



CERTIFIED TO ISO 9001:2008

CERT NO.: AR 3360

12 SEPTEMBER 2014 – 02 SEPTEMBER 2016

(Sila catatkan rujukan ini apabila berhubung)